

清·毛鳳枝撰

清光緒間著者手定底稿本 宋體工楷

關中金石文字存逸考

十二卷



文海出版社

有限公司
印行

華陰縣下

蒲城縣

乾州武功縣

永壽縣

邠州

三水縣
臨化縣

長武縣

關中金石文字存逸攷卷九

揚州甘泉毛鳳枝撰

華陰縣下

唐

司封員外郎薛存等題名

正書
元和四年九月

存

題字見金石萃編

今在華陰縣華嶽廟中題名為薛存柳澗裴秩杜

文舉韋殷王沂野客李口共九人○新唐書百官

志尚書吏部司封員外郎一人從六品上

柳開等題名

正書
元和四年十月

未詳所在

張鄂題名

正書
元和六年

未詳所在

鄭公幹題名

正書
元和八年

未詳所在

鄭公幹之名又見元和十年五月協律郎李口題

名中

王高題名

正書
元和八年

未詳所在

李紳題名

正書
元和八年

未詳所在

石柳開等題名五種寰宇訪碑錄云在華陰縣華

嶽廟中今均未詳所在矣

協律郎李口等題名

正書
元和十年五月

存

題字見金石萃編

今在華陰縣華嶽廟中題名為李口崔旣鄭公幹

一裴混陶洪蘇莊共六人

監察御史裏行裴口題名

正書

元和十二年閏五月

未詳所在

華嶽志金石門有此目今未詳所在矣

韓常謁華嶽廟記

韓常撰韋泰正書
元和十二年十月

未詳所在

全文未見

竇宇訪碑錄云在華陰縣華嶽廟中今未詳所在

矣

容府題名殘字

正書

元和十四年正月十一日

存

華陰縣志

卷之七 華陰縣下

是字更金不
華絕

是字更金不華絕

是字更金不華絕

方輿紀要云嶺南節度使治廣州開元中置亦作

五府經畧使五府卽廣桂容邕安南五府也此題

名容府卽五府之一新唐書方鎮表廣府謂之嶺

南道桂府謂之桂管容府謂之容管邕府謂之邕

管安南府謂之安南管亦稱管內皆置經畧使焉

李朝式題名

正書

元和十四年正月十一日

存

右題名一通同刻一石均在華陰縣華嶽廟中

已磨泐

判官張常慶題名

正書

元和十五年七月

存

新唐書百官志天下兵馬元帥節度觀察團練防

題字見金石萃編

禦等使均有判官一人

起居舍人賜緋魚袋王璠題名

正書

元和十五年十一月存

右題名一通同刻一石均在華陰縣華嶽廟中廬

綸題名之石一為張常慶一為王璠共二人○新

唐書百官志中書省起居舍人二人從六品上

鄭簡之題名

行書

長慶元年二月

未詳所在

寰宇訪碑錄云在華陰縣華嶽廟中今未詳所在

矣

華陰縣令裴穎修嶽廟中門題記

張從本正書

長慶元年存

題字見金石萃編廟令張從本題六字作篆書題

名爲裴穎張從本共二人裴穎題名又見下新唐書百官志五岳四瀆令各一人正九品上掌祭祀有祝史二人齋郎各十三人此題名之廟令卽此官也

華陰縣令裴穎等題名正書 無年月存

題字見金石萃編題名爲裴穎薛仲歸黎煉高懿共四人

右題名一通均在華陰縣華嶽廟中

方參題名正書 大和二年八月未詳所在

題字見金石萃編

寰宇訪碑錄云在華陰縣華嶽廟中今未詳所在

題名計一人

兵部侍郎李德裕題名

正書

大和三年八月

原石久逸此

係重模本

附存

題名云銀青光祿大夫行尚書兵部侍郎李德裕

大和三年八月十六日由浙西觀察使檢校禮部

尚書兼御史大夫判官監察御史崔知白支使

監察御史崔璿巡官協律郎王式

右題名入行自右而左李德裕崔知白王璿王式

共四人原刻久逸儀徵阮文達公北湖祠塾重模

華山碑刻此題名在碑額之左

新唐書百官志節度使有支使巡官

各一人

隴西李播題名

正書

大和三年十一月

存

題字見金石萃編

今在華陰縣華岳廟中焦綬題名之右計一人

京兆府功曹韋公式等題名

正書

大和四年上元日

存

題字見金石萃編

今在華陰縣華嶽廟中題名者為韋公式裴虔共

二人

華州刺史李虞仲題名

正書

大和四年七月

存

題字見金石萃編
今在華陰縣華嶽廟中題名著爲李虞仲柳乘共
二人西安府學碑林懷素所書東陵聖母帖上有
天和四年大理評事柳乘題名與嶽廟題名之柳
乘實一人也又關中金石記云此題名末有云判
官事柳乘同來乘名又見懷素聖母帖後蓋以太
理評事出判華州事也案此處攷據未晰今以石
本證之題字爲口南都團練判官口口口事柳乘
同來所缺三字卽大理評二字乘蓋以大理評事
而爲口南都團練判官唐時幕職多帶京銜且係

清秩如員外郎監察御史之類大理評事亦其類也況唐代本無判州事之官乎鳳枝嘗以爲攷證之書成於一人之手者每多精確如宋歐陽公之

集古錄

國朝楊寶之大瓢偶筆朱楓之雍州金石記錢竹汀先生之潛研堂金石跋尾攷證詳明舛誤極少若關中金石記金石萃編成於眾人之手卽不免有舛誤之處以秉筆者不盡爲淹通之士也又復限以時日迫促而成所引之書不及覆校雖有紕繆無從而知及書成之後疵類畢現雖欲追改亦無及

矣溫公通鑑二十年而成顧景范方輿紀要三十
年而成討論既詳自免謬誤又古人云窮愁而後
著書人處寂寞之鄉中無所營外無所擾其精神
始有獨至之處河間獻王之實事求是太史公之
好學深思心知其意非窮愁之人不能專心如此
也若衆人所成之書惟司馬溫公資治通鑑爲古
今絕作雖係諸賢編集然劉貢父氏攷范純甫氏
祖禹諸公各精一史皆有心得之處書成之後溫
公加以總裁復撰攷異蓋不知幾經審定矣故其
筆削之謹嚴體例之畫一如出一手無一懈筆編

年之書至此歎觀止矣今之爲史學者喜讀綱目
余嘗勸人讀通鑑則曰綱目易記其實通鑑叙事
井井有條脈落分明有何難記其體例多仿左氏
學人無不讀左傳者又何難于讀通鑑乎○通鑑
一書非特正文宜讀胡注尤宜潛翫攷證事實精
而且確間有一二論斷語獨具卓識非尋常史論
可比較之綱目質實發明何啻霄壤蓋杜預爲左
氏功臣裴松之爲陳壽功臣顏師古爲班氏功臣
而胡身之實爲司馬溫公之功臣也

劔南西川節度使李德裕題名

正書

大和四年十一月一日

原石久逸此係重模本

附存

題名云劍南西川節度使檢校兵部尚書成都尹
兼御史大夫李德裕判官殿中侍御史內供奉崔
知白觀誓支使兼監察御史張嗣慶江西都團練
判官監察御史裏行李商卿大和四年十一月一
日
右題名十行自左而右李德裕崔知白張嗣慶李
商卿共四人原刻久逸儀徵阮文達公北湖祠塾
重刻華山碑刻此題名于碑額之右○新唐書百
官志成都府尹一人從三品觀誓使有支使二人

嗟乎余讀李贊皇題名記不禁有感於其際也三代以下之士惟恐不好名華山碑文字震鐫古今公題名于此亦欲附碑以傳畧同峴山歧事詎知嘉靖地震漢碑佚而公之名亦與俱湮轉不如嶽廟諸人題名之沒沒無聞者可傳久遠也贊皇旣負不世之才又遇有爲之主使能竟其用則河北藩鎮可以次第削平中興之功當以武宗爲最不幸武宗喜國未久宣宗嗣立以奉冊之微嫌蹈驂乘之故轍牛李之黨乘間擠之卒致貶死豈不惜哉余少讀通鑑每見贊皇之料事明決號令整齊